


Vladislaus IV.

Poloniarum Rex.

Vitnensis Academiae San. fam. Aeternitas  
Serenissimorum Stirpis Jagellonicae Regum  
in Vladislaus IV Orbi expressa.

PANEG. et VITAE  
Polon. Fol.  
№. 1531.





V



ÆTERNITAS  
 SERENISSIMORVM  
 STIRPIS JAGELLONICÆ  
 REGVM  
 IN  
 VLADISLAO IV.  
 Orbi expressa,

&

*Eidem Serenissimo ac Inuictissimo*  
 POLONORVM AC SVECORVM  
 REGI

cum VILNAM Lithuaniae Metropolim  
*cum Serenissima REGINA*

CÆCILIA  
 RENATA  
 AVSTRIACA  
 ingrederetur

*Ab Almâ ACADÉMIA VILNENSI  
 Societatis JESV, in debita subiectioni  
 testificationem*

dedicata,

VILNÆ Typis Academicis Anno M. DC. XXXIX.






VNO AVVLSO NON DEFICIT ALTER  
AVREVS, ET SIMILI FRONDESCIT VIRGA ME-  
TALLO.

*Virg. 6. Aeneid.*

22269 III



ordus  
de-  
con-  
cas

VI

R

statu

re-

stres

EL-

com-

one-


ho-

orum



Ann  
IAC  
VL  
TI





POTENTISSIMO

ac

INVICTISSIMO

VLADISLAVO IV.

REGI POLONIÆ

*Magno Duci Lithuania, Russia, Prussia,  
Masonia, Livonia, Samogitia, Seneria,  
Czernihovia &c. &c.*

*Succorum, Gothorum, Vandalorumque  
Hæreditario*

REGI.

*Domino Clementissimo.*



On vna mentem Maieftas occupat,  
cùm Augustum vultum Tuum intue-  
mur, REX POTENTISSIME:  
Senatum Regum solus exhibes, quos  
ex conspectu Tuo melius, quàm ex  
Annalium reuolutione nouimus. Vivere in Te  
IAGELLONIS Herculeum robur, inuictos  
VLADISLAI Varnensis animos, ALBER-  
TI clementiam, ALEXANDRI in Ciuium



animis pertractandis peritiam, SIGISMUN-  
DI Primi felicitatem, altum & imperijs regendis  
natum AVGVSTI iudicium, Paternum SI-  
GISMVNDI Tertij tum publicæ Salutis stu-  
dium, tum Literarum, Ingeniorum, Virtutumq;  
patrocinium in Te vno conseruari, Regno & Or-  
bi gratulamur. Illos igitur non tam imitatione à  
Te expressos, quàm Tuarum virtutum coloribus  
ad omnis æui exemplum absolutos, humilis & de-  
uota ACADEMIÆ Nostræ subiectio Tuo con-  
spectui ficit. Permittet Tuæ benignitatis facilitas  
nos vel mutam nubium gratitudinem æmulari,  
quæ eodem, quod à Sole acceperunt, lumine  
plures Solis imagines depingunt, vt vnus splen-  
dorem repræsentent. Partiri enim cogitur ani-  
mus, cum ea, quæ nonnisi in pluribus reperiri  
posse putauit, vnus capacitas suâ immensitate  
conclufit. In plures de Sanguine Tuo Reges cul-  
tum imbecillitas nostra diuidit, quia vni Tuæ ma-  
gnitudini parem venerationem afferre non potest.  
In Tuis Te Maioribus colit: scit enim ingentes  
fluuios in fontibus facilius coronari. IAGEL-  
LONES Patriæ Patres, quos in publica com-  
moda Tua Virtus animat, Nomini Tuo conse-  
crat: atque vtinam plures à Te, Tecum vnà flo-  
rentes aspiciat, vt vtrinque deuota Populorum  
submissio reperiat in quibus Te adoret.

*Sacra Regiæ Maiestati Vestræ*

humillimè deuota

ACADEMIA VILNENSIS SOCIETATIS JESV.



# VLADISLAVS IAGELLO

Sinum Polonæ libertati aperuit  
in quem libentiùs concessit,  
Quòd Prognatum illis esse acceperat  
quibus nec Roma suo exemplo, vt seruirent, persuasit.  
Alterum (cùm Patria degenerasset) orbem quæsierunt,  
In quo de seruitute triumpharent;  
Nusquam meliùs Romani, quàm vbi Liberi.

Felix

Lithuania, quæ Romà Tyrannide exacta  
Libertatis spiritum excepisti.

Animavit ille diu LITHVANOS, SAMOGITAS, RVTHENOS,  
Romanus semper, Magnus, ac Liber.

At

In VLADISLAVO JAGELLONE tantò ingentior est visus;  
Vt suam illi Poloni Libertatem, Regnum, & Regni confortem  
darent.

Reperit magnus Animus quod tantæ liberalitati refunderet.

Nam

Silesios hostilia meditantes consilio anteuertit,  
Manu oppressit, Spiritum victis ademisset,

Nisi

Victoris clementia respirium in Polonà  
Libertate dedisset.

Pari in Teutones animo atque successu mouit,  
duplici bello victos, armis, castris, vrbibus, spiritu exiit,  
vt in tot hostium capitibus æternū Polonæ felicitatis  
Capitolium erigeret.

Perennis quoq; Coniugij nexu Lithuaniam Poloniæ copulauit,  
Optimus vtriusque PATRIÆ PATER,

Cui

CASIMIROS, ALBERTOS, VLADISLAOS,  
ALEXANDROS, SIGISMUNDOS,  
Sui Sanguinis, Virtutis, ac Triumphorum Hæredes, hucusq;que  
Absens, Præsentis sufficit.

Vt in Filijs ac Nèpotibus immortalis,  
ab vtrâque Republicâ orbitatem arceat.

LITHVANIA tamen  
quæ se orbi semel genuit,  
Vt bis Parentem agnosceret,  
Viuens adhuc perfecit.

Cùm

Diuinæ illi Fidei animam inspirauit.  
Legis Christianæ in Comitijs Vilnensibus Ciuibus Imperator,  
in Campis & desertis Dictator factus.

Ad solidæ enim Maiestatis decus pertinere putauit,  
Cœlo dignis imperare, & eosdem cum Deo ciues censere.

B

V L A.



# VLADISLAI IAGELLONIS

De Crucigeris nobilis victoria,  
quorum Magister, REGI, & Fratri eius ALEXANDRO WITOLDO per contemptum ante motas acies, duos gladios miserat.

Lubrici mucro specimen fauoris

In pios languet: magis impiorum

Cede nutritus calidas cruore

Expiat iras.

Teutonum, frustra, periture Princeps,

Ante quam Lechas videas cohortes

Ludis Heroem, sed iniquus almis

Augur in armis.

Non tuis audet gladijs in Hostem,

Non tuis armis tua tela LADISLAVS

eludet, proprijs triumphis

Sufficit ipse.

Nam tuus mucro muliebris, auro

Palleat quamuis rutiletque gemmis.

Fulget; at ferrum, chalybemque vitas

Frigidus ensis.

Dextra que talem moderatur enssem,

Hostium nomen timet, & fugaces

Inserit pennas pedibus, relicto

Non bene campo.

At IAGELLONIS gladium videbis,

Teutonum insertum iugulis, minacem

Faucibus duris, rigidumque vastis

Corporis umbris.

Dexteram cernes animo potenti

Supparem; namque arma nihil timenti

Proderunt, excors animus fugaces

Si regit artus.



# VLADISLAVS IAGELLO

## NIVS VARNENSIS.

Cum

Breue ei vitæ spatium Fata definissent.

Fortuna maturavit Imperium.

Nouenni Poloniam tradidit,

Sexennio post Hungariæ Malum aureum adiecit,

at ille animo JAGELLONICO Fortunam prægressus,  
irritauit Dominam,

vt licentiùs in corpus maturescens ferro decerneret,

quæ pomo & auro cum Puerò luserat.

LECHICVS ALEXANDER

Macedoniam suis imparem armis testatus,

Sclauonias Prouincias ferro expurgauit,

incolarum prius resperfas sanguine.

Hostium cæsorum capita,

non in acie cadentium corporum,

sed signorum captorum numero,

Et Amurathis cum exercitu pro pace supplicis lachrymis,  
censuit.

Vtinam porrò ille

lacrymis suis ardorem pugnandi in REGE extinxisset,

Varna

non tam suo nomine,

quàm nostrâ clade nobilis,

Cannas nobis non exhibuisset.

ad quam VLADISLAVS

paulò ante Victor, iam victus,

Periurij quo aspergebatur maculam.

Sanguine proprio diluit.

Non tam Hostium virtute,

quàm fraude sublatus.

In hostico sanguinem fudit,

corpus proiecit,

Vt hostem in viscera Patriæ ruiturum,

sanguine mergeret;

Corpore

vt scopulo frangeret.

B 2

V L A.



# VLADISLAI TERTII

ad Varnam cæsi Generosus  
animus.

*Sine sublimi manifestus ostro,  
Aut fugam Sortis meditantis alto  
Excidit curru genialis almi  
Sanguinis Heres,  
Tristibus nunquam sepelitur umbris  
Degener. Sol est? Generosus ardet;  
Ingruunt nubes? Generosus ardor  
Nubila nescit.*

*Ferueat mori licet ira Pontis  
Affluat fulue licet unda terre,  
Tam LADISLAVS placidis mouetur,  
Quam vel iniquis.*

*Seu triumphali trabeâ decorus,  
Seu triumphatus: similes meretur  
Laudis Augustæ titulos, paremque  
Victus honorem.*

*Vicerat? Fortem coluere regna:  
Sclauones veram sobolem Gradiui:  
Herculem victus Macedo, timebat  
Thracia Martem.*

*Victus? at forti Patriam periclo  
Texit: in vallum posuit cadauer,  
Sanguinem in flumen. pretiosa multum  
Littora Lechtis?*

*Viuet & nullo morietur auro  
Fama florenti melior Cupresso;  
Fama formoso potior metallo  
Ibit in annos.*

CÆCI



# CASIMIRVS

Felicioꝛibus auspicijs PARENTI  
quàm FRATRI propinquior,  
Felicioꝛ futurus,  
Si eà semper felicitate in Crucigeros,  
quàm in Valachos aciem direxisset.  
Sed auersum semel vultum,  
redintegrato prælio Victoria reddidit,  
Cum tot REGI hostium capita adnumerauit,  
Vt tardiùs vicisse gauderet.  
Virtute partam victoriam non impare successu  
clausit,

Nam

præter Pomeraniæ, Michlouix, & Culmæ accessionem,  
æternâ pace sub eo Polonia effloruit:

P R V S S I A M

Toties armis Polonicis attritam, & exhaustam,  
Olex ramis recreauit,

EZIGERO Tartarorum Tyranno  
ita formidabilis erat,

Vt eum à suo nutu suspenderet.

Cæteros,

In quos ferrum non strinxit,  
humanitate expugnauit.

Principibus Ciuili tumultu vexatis  
Asylum in suâ manu ostendit,

SACHMETEM Turcarum Imperatorem VILNÆ,  
Et CAROLVM Daniæ Regem (à suis pulsos)

G E D A N I,

eà benignitate excepit,  
vt vbique terrarum abiecti,  
apud C A S I M I R V M solum  
Reges se esse meminissent.

Dignus profectò,

Cui clementia thronum  
in annos quinque & quadraginta  
prorogasset,

quinque de Filijs REGES,

D I V V M vnum,

alterum ECCLESIAE Purpuratum  
dedisset.

C

V L A



# CASIMIRVS IAGELO

Sachmetem Turcarum Imperato-  
rem, & Carolum Daniæ Regem, supplices  
profugos suscipit.

Nobilis portus miseris, asylum  
Regibus vulgi rabie petitis  
Naufragis Ponti CASIMIRE nautis  
Sydus amicum.

Thracicus Sachmes tibi supplicentem  
Verticem acclinat, Dominasque lambit  
Basijs plantas, Lechicamque verrit  
Syrmate Terram.

Daniæ Princeps Carolus, minacem  
Plebis irate fugiens furorem,  
Te suo Portum Pelago, suisque  
Postulat undis.

Fluctuat? dextrâ miserum leuabis.  
Mergitur? vitam dabis, & salutem.  
O Pharus! Regum ó Cynosura CASI-  
MIRE periculis.

Non triumphatis toties Gelonis  
Gloriæ messis tibi tanta creuit,  
Quanta seruat tibi de Dynastis  
Vernat arista.

Credo! Sesostris Dominus Canopi  
Regibus vectus generosiore  
Floruit L auru! meritisque famæ  
Pascitur annis!

Gloriam nutrit facilis petenti  
Dextra: clementes animos perennat  
Fama, quam celso vehit innocens Cle-  
Mentia curru.



**VLADISLAVS IAGEL  
LONIVS HVNGARIÆ ET  
BOHEMIÆ REX.**

Ea erat de VLADISLAO apud suos,  
atque Exteros opinio,  
Vt ad vindicandam Patruī mortem,  
Parem Indolem, ac Nomen sortitus videretur.

AD

Sceptra itaque Vngariæ inuitatus,  
Tantò promptiore animo accessit;  
Quantò propior hostis erat,  
Quem VLADISLAI Patruī Manibus immolare destinavit.

Optimum

Magnus animus augurium dabat,  
Nec vinci posse magnitudinem dubitavit,  
Quæ aliorum diffidijs, suâ fraude, & latrocinij  
creuisset.

**ALBERTVM Germanum POLONIARVM REGEM**

ijsdem studijs incensum,  
Ad egregiam belli & vindictæ societatem euocavit,  
Vt vnum in Fratribus Hostis robur,  
eandem Patruus pietatem sentiret;

Cui

Magnum vterque posituri erant apud barbaros monumentum,  
nisi Valachi perfidia intercessisset.

Primi conatus irriti,  
maiores inuicto animo stimulos addiderunt.

Nam, Et

secundis prælijs Turcam sæpe vexavit,  
Et de reponendâ illi tum suâ priuatâ,  
tum publicâ Christiani nominis iniuriâ,  
cum SIGISMUNDO Fratre

**POLONIARVM REGE,**  
& **MAXIMILIANO ROMANORVM IMPERATORE**  
Viennæ deliberavit.

Obtulit

Vtriusque Bohemici ac Vngarici Regni vires,  
Vt cognati sanguinis vestigia,  
hostili cruore  
aut elueret, aut mergeret.

Sed

cogitatione tantum ac proposito designare id magna

Mens potuit,

Nam supremum gloriæ fructum

alteri VLADISLAO  
fata seruârunt.



VLADISLAVS IAGEL  
LONIVS

in Hungariæ, & Bohemiæ throno  
collocatur.

Aurei non sic species metalli,  
Non Erythrei paribus Lapilli  
Fulgurant flammis, variisque diues  
India gemmis.

Purpure quantum sociata Virtus  
Fulget, & latis spatijs in orbem  
Porrigit lucem, rapit & remotas  
Lumine gentes.

Hæc VLADISLAVI prohibet latere  
Abditum Regnis Patrijs decorem,  
Pannonæ celso solio reponunt  
Lumen amicum.

Inde vicinos iaculatus ignes  
Regius vertex, paribus Bohemos  
Evocat votis, geminare frontis  
Lumina dignus.

Regios dignus geminare fascēs,  
Vna quo Regni minor est corona,  
Dignus auro bis, bene qui receptum  
Protegit aurum.

Patruī Manes generosus ultor  
Ardet audaci recreare dextrā,  
Thraciæ seuum impavidus Tyrannum ad  
Bella poposcit.

Fata sed magnis inimica cæptis,  
Invident L aurum, meritasque palmas:  
Corriget sortem, Patruique fatum  
Dextra Nepotis.



# DIVVS CASIMIRVS

Quidni Regum Fastos exornet?

Quem & altior Maiestas Populis adorandum Coeli folio recepit,

Et magnus animus quantum Regibus emereret, ostendit;

Cum

Sub coronarium aurum, quod ei Hungaria detulit,  
ire recusavit.

Confusum vidisses ambitionis ordinem,  
dum peterent illi qui dabant,

Ille ad quem ambitus pertinebat, Regnum abnueret;

Imò daret, cum non acciperet oblatum.

Facile

sublimem animum qui sceptrum calcare potuit, Coelo admouit.

Delicijs alij fouendis Purpuram induunt,

Regio ille cultu arma in caeli expugnationem tegebat.

Manus

Quas ambitioni subtraxit, pia in se crudelitate armavit,

Templum

quod caeli armamentarium esse nouerat,

non diebus duntaxat, sed noctibus pariter,

solo tenebrarum horrore circumseptus adibat,

Vt quandoq; vigilum manus praeforibus excubias agentem,

Ex solius patientiae miraculo agnosceret.

Nihil in vultu ad Maiestatis opinionem,

Nihil ad laetitiae amoenitatem defuit,

Animus per omnia Regius, & in caelestium meditatione

Publicae salutis memor emicabat.

Vt firmissimo Religionis nexu Ciuium animos colligaret,

Legem a Patre impetrauit,

quam contumaces dissidentis Sectae Spiritus

lentam temporis moram extingueret.

Dum Fana semel vetustate collapsa,

Ad errorum conspirationem consurgere prohiberet.

Efficax tanto malo, promptum,

& sine clementiae detrimento remedium,

Ita in alios benignitatem seueritate temperauit,

Vt totum in se asperae dimicationis impetum conferret.

Morbis & mors, (cum in Medicis spes non esset)

ad thalami necessitatem cogebant,

At ille morbum, & mortem elegit, ne Sibi & voluptati indulgeret;

Sed qui inter Patris trophaea mundum ingressus esset,

Coelum, Sui, Naturae, & Mortis Victor intraret.

Reperit & post mortem quod vineeret,

cum properantibus in obsequium elementis,

Nunc per inuios hactenus fluuij vortices exercitum duceret,

Nunc curuli nube inuectus victoriam ex alto Lithuanis demitteret.

Tantum interest in Victoria spiritum effudisse,

vt cum victor animus aeternitatem coeperit,

Finem victoriae nesciant.

D

CASI



# D. CASIMIRVS

## Ad Regnum Hungariæ inuitatus

Te suum dicent CASIMIRE Regem  
Nobiles Lechi, Litaniq; fortes,  
Prussus ad cunas iacet, & Bohemus  
Sceptra reponit.

Quantus in Patris salit inde pectus  
Gaudij sensus? quibus auspicate  
Vocibus Proli memorat futuros

Augur Honores?

Spes sed ingentes, cupidaque mentis  
Vota non paruo spatio relinquis,  
Syderum aeterno redimire frontem

Dignior auro.

Hungari frustra meritis minorem  
Deferunt Magno Capiti coronam,  
Magna te caeli petit aula Regem, &  
Celsior orbis.

Inde, seu fractas Aquilo procellas  
Suscitet rursus, vel iniqua Baltis  
Skuiat fluctu, reuehatque vastis

Bella carinis,

Pacis aut semper dubius Gelonus  
Bella furtiuo meditetur ausu,  
Aut ruat totis metuendus in nos

Bosphorus armis

DIVE non vanas iaculare nubes,  
Sentiant Lechis inimica Numen  
Pectora iratum, meritas & equi  
Fulminis iras.

IOAN



IOANNES

ALBERTVS.

Imperij Auiti, non Fortunæ Hæres;  
Animo, & manu promptus,  
infelicitate impeditus,  
Præceptam cogitatione victoriarum metam non attigi  
Bonitate ingenij sui,  
Altetius sædifragas pollicitationes mensus,  
explicatum exercitum implicatæ fidei concredidit;  
è campis Patrio Marti propitijs,  
In inuias extractus syluas,  
Virentem palmis sub tot Regibus Poloniam  
Infelicibus auspicijs adussit;  
Semel edoctus  
vt perfido aures subtraheret,  
etiam animum fidelissimum commodauit;  
Inermem & synceram dexteram,  
cum armatâ & subdolâ composuit,  
Bellum cogitanti Valacho, pacem dedit.  
Dum  
iniurias Patruï persequitur, Se propè amisit.  
Didicit pernicioso sibi experimento,  
Perfidiam veniâ non placari.  
Quæ  
non tam fructum Clementiæ cogitat,  
Quàm  
apertum scelus alio scelere tegere conatur,  
Dum ei exitium parat  
Quem conscium criminis sentit.  
Felicior omine  
Altero in Turcas bello cœlum mouit,  
Dum enim  
in Regni fines vt prædones se effundunt,  
Hybernâ tempestate euersi  
Quadraginta millibus pauciores in patriam remeant.  
Regiæ hoc datum Pietati,  
Vt cœlum in hostes armauisset crederetur.

D

IOAN-



# IOANNES ALBERTVS

Irrumpentes Scythas coelitus ob  
ortæ tempestatis auxilio  
profligauit.

*Nubibus clausi properate fontes  
Perfidi in pœnam capitis, ruinam  
Ferte, feralis metuenda pestis  
Fundite tela.*

*Regis ALBERTI pia vota Cœlo  
Derrahunt imbres: & emace luctu  
Nubila impregnant, pluuijsq; sudum  
Æthera condunt.*

*Ceteri vibrent gladios in hostem,  
Cassides pulsent galeis, refundant  
Tela pro telis, & acuta pilis  
Pila rerundant.*

*Quis tamen sortem stabilem Gradiui  
Credidit? pugnas, & in arma pubem  
Promoues? sternet malus expedita  
Agmina casus.*

*Huic ego pronos voueo triumphos,  
Huic ego fusos video Tyrannos,  
Cui serenatus face, fonte, telis,  
Militat Æther.*

*Ite pugnaces Aquile, & tremendis  
Ferrea telis properent caterue,  
Ite Corytis, gladijs, sagittis  
Condite Solem:*

*Hinc Pharetratus numerosiore  
Miles intendat clypeo ruinam,  
Vnico lectas acies Olympus  
Obruat ictu.*



# ALEXANDER

EX DVCE LITHVANIÆ,  
in REGEM POLONIÆ lectus,  
initia imperij iniquiora passus,  
fortunatissimo exitu coronauit,  
FORTISSIMVS PRINCEPS,

quem  
primipila calamitas cùm deicere laboraret,  
quia inuictum vidit,  
extulit.

Omen victoriarum fuit,  
cum aduersitate luctari, & vincere.

Maximum telum Fortunæ senfit,  
cùm

Fratrem FREDERICVM  
& Matrem ELISABETHAM extulit,

Motus inter Sacrum,  
& Equestrum Senatum, ita composuit,  
Vt pristinæ authoritati, quâ fruebatur, relinqueret,  
& pacaret.

Munificentiam eius Annales deprædicant  
& aliorum Regum liberalitati præponunt.

Quadriennium erat,  
quo ad Imperij gubernacula sedit,  
& periculum omnis ætatis fecit.  
Illibatus viribus, multorum iacturam senfit,  
Ægritudine Corporis tactus,  
Fortunam auersam recepit.  
Scythas ita per Legatos fudit,

Vt  
nuncium cladis, non reperirent in Patriam:  
Ita Scythici nomen meruit,  
Vt illud ad vrnam deferret.

Vel hinc felicissimus,  
quod  
cùm vitam clauderet,  
certior de victoriâ factus,  
non hinc breuem triumphum egisset;  
Sed cùm victoriâ  
è terris ad Cœlestem palmam properasset.

E

ALE-

E-



# ALEXANDER

Morti proximus de Victoria ex  
Scythis certior redditur.

Hostis hyberna populator ore  
Concanus Lechis famulatur armis,  
Ferte pugnaces aliò sagittas

Littala pubes.

O Polo, PRINCEPS, Superisque care,  
Quem rapit cursus melioris aui  
Dum fauens pandit tibi Cœlicas Vi-  
ctoria portas.

Palma qua nostris viret in triumphis,  
Sæpius ventis laceratur: Axe  
Quæ viret (quò tu properas) ruinam,  
Fataque nescit.

Hic ubi predo volitavit hostis,  
Matribus luctum, puerisque questus  
Exprimens, fortes ubi fraudulentus  
Vertit aceruos.

Pace frondescent tua regna, pacem  
Nobili plausu geminant, procellis  
Abstinent campi, rediuvina tollunt  
Oppida frontem.

Id tuus certè meruit triumphus,  
Quem (pharetratas Scythiæ cateruas  
Dum Lechus præ se glomerat,) mereris  
Hospes Olympi.

Urbium Luncæ rapiuntur amne  
Ocyûs; claudi tua sed trophæa  
Nescient ripis, sterili datura  
Nomina Ponto.

SIGIS



# SIGISMVNDVS

## PRIMVS.

Triumphis Magnum, Prudentiâ, Vlyffem superauit;  
Diuurnitate Imperij AVO proximus,  
Victorijs ad Herculem, ætate ad Nestorem accessit,  
SCYTHICVS, VALACHICVS, MOSCHOVITICVS,  
PRVSSICVS.

Quidquid Fortunâ Fratribus vel negauerat,  
vel subtraxerat,

Eius Gloriæ referuauit.

Primus Regum Poloniae

Mazouiae Ducis radium

suae Coronae addidit;

Captiuos in Scythicâ acie, suis auspicijs  
in hostem armavit,

& ad victoriam vinculis absoluit.

Ex Moschouia incruentam retulit palmam,  
trecentorum suorum armis quadraginta duo millia cecidit.

Sanguine, Patriae splendorem illustrauit.

Primus irreligiosum Prussiae Magistrum

quem alij Reges armis exuerant,

habitu mentito spoliavit.

Ducalem tamen ei pileum, Feudi titulo, dedit,  
ne religione amplius odium tegeret.

Iniurias in Valachos prouocatus refudit,

Optimam belli aleam ratus ex iustissimâ nasci causâ.

Filium AVGVSTVM, Collegam,

Infantem ferè, in Imperium vocauit.

Vi tot Nationum Victor

REGEM regeret.

Felix CONIVGE,

Quam BONAM accepisset;

Felicior FILIO,

Quem SIGISMVNDVM reliquisset;

Felicissimus FILIA,

In quâ JAGELLONES conseruasset.



# SIGISMUNDVS PRIMVS

Prussiam Feudi nomine Poloniæ  
Prouinciam facit.

Inclytum Solis iubar, æuiternos  
Suggerit nostræ radios coronæ,  
Dum SIGISMUNDO peperit recentem  
Prussia Palmam.

Præter affines vitij dolos, &  
Desidis lucri pretium; omne casto  
Exigit regno scelus, & potenti  
Fulmine sternit:

Est parum mores reuocare lapsos,  
Et Patrum sensus, veteresque ritus,  
Est parum puro similes Olympo  
Scribere leges.

Addit Augustæ radios coronæ  
Prusiæ magnum decus, inclytoque  
Viuidus lucro, meliore terras  
Lumine vestit.

Prussus at lassas acies relaxet  
Pacis æternæ studijs, & actam  
Martis lustris recreet petitâ  
Pace inuentam.

Saucium bellis latus, inquieta  
Dum studet pugna, releuet suauis  
Fœderis nexu, vacuasque ponat  
Vertice cristas.

Legibus concors animisque, si fors  
Arma poscamus, sociale iungat  
Brachium, Martis comes, & triumpho  
Proximus adsit.

SIGIS-



SIGISMUNDVS  
AVGVSTVS.

Par Tanto Nomini,  
Quem decennem, Sexagenario Maior PARENS,  
parem sibi credidit,  
cùm Maiestatem partitus COLLEGAM nominauit.  
à Natali die Nomen sortitus,  
cùm suo Nomine Menses, & Anni  
sine iniuriâ signandi essent.  
Orbis miraculum,  
cùm ex euentu non solum factorum,  
sed & verborum. se Regem probauit.  
Vnioni duarum Nationum, cuius fundamenta PROAVVS iecerat,  
AVVS cum PATRIS & PARENTE vix promouerat,  
desideratissimum apicem imposuit.  
Id erat primum, quod in limine throni expetentibus promiserat.  
Alterum  
Omnibus difficile, multis incredibile, Soli AVGVSTO facile,  
Legum executio fuit.  
Fecit hanc citiùs quàm dixerat,  
felicìus, quàm omnes sperauerant.  
Regni viscera cùm pace composuisset,  
Fines armis illustrauit.  
Omnibus in Moschos prælijs Victor,  
MOSCHOVITICI titulum tulisset,  
nisi NEPOTVM Gloriæ reseruasset.  
Liuones, & Suecos armis attriuit.  
Fidem publicam à Gottardo Ketlero accepit:  
PATRE hâc in re non inferior,  
Quòd Ille Prussiam, Ipse Curlandiam,  
Principe imposito, Poloniæ Prouincias ordinasset.  
Quietis tandem publicæ Tutor,  
cùm PATREM Imperij diuturnitate æquasset,  
Non priùs oculos in mortem,  
quàm gladium in vaginam. condidit.  
Pacem ita firmam cum Moscho icit,  
Vt  
annuum Interregnum  
sine belli metu ciues exegerint.



# SIGISMUNDVS AVGVSTVS

## Moschorum Domitor.

Pone mordaces Sobolis futura  
Magne Rex curas, Patriæ Curules  
Qui regant, surgent, JAGELONIS auro  
Linea curret.

Magna te poscunt Patriæ pericla,  
Magna telorum seges, & Gradii.  
Barbaras ferro facili quid heres  
Fundere turmas?

Agminum specta sonitum, & canoros  
Hostium pronâ lituos bibe aure:  
Non vides quantâ ferus ecce spumat  
Moschus ab irâ?

Sed tuis cedit iaculis, tuâq;  
Dextera: non, si repetat cruentos  
Perfidus campos, meliore flectet  
Arma calore.

Barbarus sanguis generosiores  
Impetus nescit, pecudumq; ritu  
Spiritus segnem bibit, atq; crasso  
Tramite serpit.

Rusticos nervos Lechici Monarchæ  
Nobilis soluet calor, aridisdq;  
Hauriet succum capulis, & armis  
Obruet arma.

Nec satis Moschi domuisse robur;  
Cerne quàm dives tibi Pompa laudum  
Nascitur, qui sis, Gothus experiri  
Tentat in armis.



# SIGISMUNDVS TERTIVS

PARENTEM,  
quem (vt amoribus Ciuium subtraheret) Æmulus Frater  
tenebris damnauit,

Natus ad Liberæ Gentis Sceptra,  
Luci, ac Regno dedit.

Vt non frustra Controuersiam moueres,  
An Filij Parentibus par reddere non possint?

Vt

JAGELLONIVM agnosceres,  
Hæreditariam in Matre pietatem amplexus,  
PATRI in fide restitit.

Imperare dignus, qui cano in pueritiâ sensu  
Imperij terminos non ignorauit.

Ad Regnum POLONIÆ

Partium studio inuitatus, totum Æmulo excluso occupauit,  
AVGVSTAM tamen AVSTRIAM & throni  
& tori consortem fecit.

Malè foederatas Ciuium acies, quas paucorum error,  
Multorum Fatum armauerat, paruâ manu compressit,

Clementiâ ne perirent prouidit,  
Benignitate sibi suisque reddidit.

Sic Ciuium animos sibi quandoque infensos,  
Semper vincebat, vt parceret;  
ita parcebat, vt vinceret.

Hostem externum nullum habuit, quem timeret;  
In nullum dextram tulit, à quo non timeretur.

Moschorum & Regiam, & Ducem cepit.  
Grandi Europam metu liberauit,

Cùm

Effusas totius Asiæ vires Polono robore  
Sine exterorum Principum subsidijs repressit.

Turcicam Lunam ita ad luminis defectionem coëgit,  
vt pudendos Osmanus vultus nunquam amplius  
de tenebris extulerit.

De Scythis multæ victoriæ frequentia æstimationem perdiderunt.

Coactus & in sanguinem pugnare,

Degeneres Propinquos

non minùs fortitudine, quàm æquitate superauit.

Annos in regno sex & quadraginta bellis, victorijs, & triumphis  
perpetuis exegit.

Consorte omnium (si principia exemeris) MAGNO VLADISLAO:

Quem

moriens, Hæreditarium Sueciæ Regem,

Moschouæ Ducem,

& votis omnium Polono Diademati designatum, reliquit.



# SIGISMVNDI TERTII

## Gloria Superstes:

An SIGISMVNDVM tamulo repostum  
Creditis Lechi? solito gubernat  
Sarmatas Sceptro, Patriamq; suetâ  
Luce coronat.

Ille fatali Rhodopen tumultu  
Impulit, frontis tumidum ut cacumen  
Sterneret Lecho, dominata multis  
Impia terris.

Ille dum parmam, facilemq; magno  
Vertici infudit galeam, comantes  
Euibrans cristas, radijs pauentem  
Terruit Istrum.

Terruit Lunam studijs ferocem  
Martis: à forti capuli nitore  
Languit Pontus, cecidit liquente  
Cynthia cornu.

Quid canam Moschos toties cruentis  
Prælijs fusos? reduces cohortes  
Ille censebat, numerabat atra  
Funera Moschus.

Quid canam fractos toties Gelonos?  
Quid Dahas stratos, timidosp; Colchos?  
Quid Scythen? dirumq; Tyran? quid alt.  
Littora Xanthi?

Fulgurat Martis sonitu, sed omnem  
Præripit palmam Pietas, suâq;  
Luce conuestit, meritoq; cingit  
Tempora seruo.



# VLADISLAVS IV.

Magna & Solius VLADISLAI laus,  
ad Liberæ Gentis Fasces sine Æmulo accessisse.

Regum nemo, aut Principum repertus,

Qui

in medio positum, & votis omnium patens Regnum,  
peteret,

Cùm VLADISLAI decora,

& Polonorum studia, cogitaret.

Solus vt regnaret, Orbis totius calculum meruit,

quasi omnium Regnorum designaretur

IMPERATOR.

Tot Reges, atque Principes Æmulos vicit,

Quot erant quibus spem, & Ambitum præclusit.

Per Amicorum igitur, imò & Hostium vota  
ad Solium euasit:

Illorum amicitia, istorum metu suffragante;

Quibus

tot bellis inuictam fortitudinem ostendisse,

& maximis Terrarum Regibus terrorem iniecisse,

maximum ad capeffenda regna momentum erat.

Pacatum quod erat toto Interregno sceptrum,

vbi in manus venit, in gladium exijt.

Facilis Victori Moschus,

& ex vsitata sub Ducibus seruitute,

ad conspectum ELECTI Ducis pauidus,

vt facile antea caput submitit, ita nunc manus dedit.

Facilem quoque Victorem reperit,

ita sanguinis alieni parcum, vt etiam lacrymas sifteret,

ita in corpora clementem, vt vmbri quoque parceret.

Nec sine omine

cum Moscho Hæreditarij Polonorum Hostes Turcæ

vix inauguratum Regem bello laceffiuerunt,

vt Spiritu Suo illum digniorem, cùm cæderentur, ostenderent:

vt suos annos illius ætati adijcerent.

Quanquam

Talem eis victorem Fortuna obtulit,

qui dare, quam accipere salutem paratior,

Hostiũ ruinam non suæ voluntati, sed illorũ infelicitati adscriberet.

Arma deinde Sueco ostentauit, & Pacem persuasit

Perditam Prussiam in fidem recepit.

Rebus domi compositis, extra pacatis,

CÆCILIAM RENATAM AVSTRIACAM,

Imperatorum Filiam, Sororem, Neptem,

ad Regnum, & torum assumpsit,

Quam ex suo Orbis voto

REGVM MATREM salutet.

G

V L A-



# VLADISLAVS QVARTVS



Turcicus, Moscouiticus.

*Credulas, spero, dabitur canenti  
Sarmatae mentes, Lechicae corona  
Additur PRINCEPS nouus, Orbe maior,  
Non minor Astris.*

*Bistonum densas domuit Phalanges,  
Artacen forti gladio subegit,  
Bosphorum vinculis, geminoq; strinxit  
Strymona nexu.*


*Aemus ad tantos tremuit labores,  
Hebrus infracto stupefactus ausu,  
PRINCIPIS Palmas veneratus, eum in  
Bella spondit.*

*Mollit Moschos acie, & Tiaram  
Imperi signum meritis reliquit,  
Ense non auro solitus proteruis  
Dicere iura.*

*Nunc ubi Moschi posuere tela,  
Tela Lithuanis inimica telis,  
Marte suspensio dedit inquieto  
Ora regno.*

*Condito clemens placidusq; telo,  
Pace firmatas moderatur oras,  
Aurea ut nobis redeant abacto  
Secula ferro.*

*Regnet, & Patri Sobolem propinquam  
Moribus gignat, Patriamq; clara  
Prole fecundans diuturna condat  
Tempora Lechis.*





S

ior,

29

1.1.25  
11.11



